

**20570004 ТООТ РАДИО ДАВТАМЖ АШИГЛАХ
ЭРХИЙН БИЧГИЙН ГЭРЭЭ**

№ 704/17

1. Ерөнхий зүйл

- 1.1. Энэхүү зөвшөөрлийн гэрээг Харилцаа холбооны зохицуулах хороо /цаашид “Зохицуулах хороо” гэх/ болон Иргэний Нисэхийн Ерөнхий Газар /ИНЕГ/-ын харьяа ТЕХНИК ХАНГАЛТ, НАВИГАЦИЙН ҮЙЛЧИЛГЭЭНИЙ АЛБА цаашид “эрхийн бичиг эзэмшигч” гэх/ нар 2017 оны 09 дүгээр сарын 14-ний өдрөөс 2019 оны 09 дүгээр сарын 14-ний өдөр хүртэл 2 жилийн хугацаатай байгуулав.

2. Гэрээнд оролцогч талууд**2.1. ХАРИЛЦАА ХОЛБООНЫ ЗОХИЦУУЛАХ ХОРОО**

Хаяг: Монгол Улс,
Улаанбаатар хот, 14201
Сүхбаатарын гудамж, 13
Метро бизнес төв, А корпус, 5 давхар
Утас: 304258, 304257 Факс: 327720
Вэб хуудас: www.crc.gov.mn
Цахим шуудангийн хаяг: info@crc.gov.mn

**2.2. ИНЕГ-ЫН ХАРЬЯА ТЕХНИК ХАНГАЛТ, НАВИГАЦИЙН
ҮЙЛЧИЛГЭЭНИЙ АЛБА**

Хаяг: Монгол Улс
Улаанбаатар хот. 17120.
Хан-Уул дүүрэг. 10-р хороо,
Буянт-Ухаа.
Шуудангийн хайрцаг: УБ-17120, Буянт-Ухаа 34.
Утас: 281646,
Факс: 281160
Имэйл: bayartogtokh@mcaa.gov.mn;
battugs.g@mcaa.gov.mn
Албаны дарга: Д.Баяртогтох 99106790
ТГИХ-ийн дарга: Г.Баттөгс 99082858
Вэб хуудас: www.cns.mcaa.gov.mn

3. Эрхийн бичгээр олгогдсон эрх хэмжээ



- 3.1 Эрхийн бичигт заагдсан давтамжийн зурвасыг VHF, UHF царгаанд нисэх буудлын үйл ажиллагаанд чиглүүлэх станцын зориулалтаар ашиглана.

Байршил, хамрах хүрээ: Станцууд нь Төв аймгийн Сэргэлэн сумын нутаг
Хөшигийн хөндий орчмыг хамаарна.

Тоног төхөөрөмжийн төрөл, тоо ширхэг, чадал:

Indra navia	VRB 53D SER	1 ширхэг,	100Вт
	LDB 103 SER	1 ширхэг,	1000Вт
	LDB 103 CDA	1 ширхэг,	100Вт
	NORMARC 7033B	1 ширхэг,	6Вт
	NORMARC 7013B CDA	1 ширхэг,	25Вт

Ашиглалт: Чиглүүлэх станцын зориулалтаар нисэх буудлын үйл ажиллагаанд ашиглана.



- 3.2 Энэхүү эрхийн бичгээр зөвхөн Радио давтамж ашиглах эрх олгогдох бөгөөд нийтийн үйлчилгээ явуулах эрх олгогдохгүй болно.

4. Эрхийн бичгийн нөхцлүүд

- 4.1 Эрхийн бичиг эзэмшигч нь Радио долгионы тухай хуулийн 19.2 (Радио давтамж ашиглах тусгай зөвшөөрөл, эрхийн бичиг эзэмшигчийн үүрэг)-д заасан үүрэг болон дараах нөхцөл шаардлагыг хангаж ажиллана.

- 4.1.1 Радио төхөөрөмжийг эрхийн бичигт заасан байрлалд байрлуулж, заасан давтамж эсвэл давтамжийн зурваст, заасан чадлаар ажиллуулна. Зохицуулах хороонд урьдчилан мэдэгдэхгүйгээр тоног төхөөрөмжийн үзүүлэлтийг өөрчлөхийг хориглоно.

- 4.1.2 Тухайн чиглэлээр Зохицуулах хорооноос баталсан радио давтамжийн зохицуулалтын чиглэл, нөхцөл шаардлага холбогдох стандартыг мөрдөж ажиллана.

- 4.2 Эрхийн бичиг эзэмшигч нь эрхийн бичгийн өргөдөлд хавсаргасан төлөвлөлт болон байршилд радио нэвтрүүлэх станцыг суурилуулна.

- 4.3 Зохицуулах хороо нь энэхүү эрхийн бичигт хамаарах чиглэлээр хууль, журам, тогтоол, шийдвэр, зохицуулалтын баримт бичиг, зохицуулалтын үйлчилгээний хөлс болон улсын тэмдэгтийн хураамжийн хэмжээ, нөхцөл шаардлага, стандартад нэмэлт, өөрчлөлт, шинэчлэн найруулга орох эсвэл шинээр батлагдвал эрхийн бичиг эзэмшигчид (өөрийн вэб хуудсаар эсхүл албан бичгээр) мэдээлэх ба эрхийн бичиг эзэмшигч нь дагаж мөрдөнө.

- 4.4 Үндэсний радио давтамжийн төлөвлөлтийн дагуу эрхийн бичгээр олгогдсон зурваст шинэ төрлийн үйлчилгээ нэвтэрсэн тохиолдолд энэхүү эрхийн бичгээр олгогдсон радио давтамжийн зурвасыг эргүүлэн авах эрхийг Зохицуулах хороо эдэлнэ.

- 4.5 Зохицуулах хороо нь хуваарилсан радио давтамжийн зурвасын харилцан нөлөөлөлгүй ажиллах баталгааг хариуцахгүй бөгөөд зөвхөн радио давтамжийн зохицуулалтыг хийнэ.

- 4.6 Эрхийн бичиг эзэмшигч нь Зохицуулах хорооноос баталсан баталгаажуулалтын журам, техникийн нөхцөл шаардлагыг мөрдөж ажиллах бөгөөд радио төхөөрөмж нь Зохицуулах хорооноос хүлээн зөвшөөрсөн Олон улсын баталгаажилтын байгууллагын тохирлын гэрчилгээтэй (эсвэл баталгаажилтын тэмдэглэгээтэй) болохыг Зохицуулах хороонд хянуулж, тэмдэг, холбогдох гэрчилгээг авсан байна.

5 Мэдээлэл ирүүлэх, шалгуулах

- 5.1 Эрхийн бичиг эзэмшигчийн хаяг, байршил, удирдлага, холбоо барих ажилтны мэдээлэл, хөрөнгө оруулагч өөрчлөгдсөн бол тухайн өөрчлөлт орсноос хойш 30 хоногийн дотор Зохицуулах хороонд бичгээр мэдэгдэнэ.

- 5.2 Эрхийн бичиг эзэмшигч нь Зохицуулах хорооноос тодорхой үндэслэлтэйгээр бичгээр шаардсаны дагуу энэхүү эрхийн бичигт хамаарах баримт бичиг эсхүл мэдээллийг тогтоосон хугацаанд нь үнэн зөв, бүрэн гүйцэд гаргаж ирүүлнэ.

- 5.3 Эрхийн бичиг эзэмшигч нь Зохицуулах хорооноос урьдчилан мэдэгдсэнийг үндэслэн энэхүү эрхийн бичгийн нөхцөл шаардлагын хэрэгжилтийг шалгуулах зорилгоор Зохицуулах хорооны ажилтныг ажлын байранд нэвтрэх, шаардсан баримт бичгийн хуулбарыг авах, тоног төхөөрөмжид хэмжилт шалгалт хийх нөхцөл бололцоогоор хангана.

6 Эрхийн бичгийн төлбөр

- 6.1 Эрхийн бичиг эзэмшигч нь Радио долгионы тухай хуулийн 5.2.3-т заасан журмын дагуу Радио давтамж ашигласны төлбөрийг жил бүр холбогдох үзүүлэлтүүдийг үндэслэж шинэчлэн тооцоолсон **Хавсралт 1**-ээр Зохицуулах хорооны Голомт



банкин дахь 1102626829 тоот дансанд жил бүрийн 09 дүгээр сарын 14-ний дотор багтаан төлнө.

- 6.2 Энэхүү гэрээний 6.1-д заасан төлбөрийн хэмжээнд өөрчлөлт орсон тохиолдолд төлбөрийг тухай бүр тооцоолж энэ гэрээнд хавсаргана.

7 Сунгуулах ба шилжүүлэх

- 7.1 Эрхийн бичгийн хугацааг сунгуулах бол хүсэлтээ энэхүү эрхийн бичгийн хугацаа дуусахаас 21 буюу түүнээс дээш хоногийн өмнө Зохицуулах хороонд гаргах ба холбогдох журмын дагуу шаардлагатай өргөдөл, баримт материалыг бүрдүүлж ирүүлнэ.
- 7.2 Эрхийн бичигт нэмэлт өөрчлөлт оруулах, түдгэлзүүлэх, хүчингүй болгох зэрэг эрхийн бичигтэй холбоотой асуудлыг Аж ахуйн үйл ажиллагааны тухай, Харилцаа холбооны тухай, Радио долгионы тухай хууль болон бусад хууль, тэдгээрт нийцүүлэн баталсан Зохицуулах хорооны “Харилцаа холбооны салбарт үйл ажиллагаа эрхлэх зөвшөөрлийн журам”-аар зохицуулна.
- 7.3 Эрхийн бичгийг бусдад шилжүүлэхийг хориглоно.

8 Давагдашгүй хүчин зүйл

- 8.1 Эрхийн бичиг эзэмшигч нь гэрээний үүргийг биелүүлэхэд саад болох давагдашгүй хүчин зүйл (үер, газар хөдлөлт, гал түймэр, зэвсэгт мөргөлдөөн, ажил хаялт гэх мэт) үүссэн, дууссан тухай Зохицуулах хороонд ажлын 5 хоногийн дотор бичгээр мэдэгдэнэ.
- 8.2 Зохицуулах хороо нь давагдашгүй хүчин зүйлийн шалтгаанаар биелэгдэх боломжгүй үүргийг түр зогсоох ба эрхийн бичиг эзэмшигч нь давагдашгүй хүчин зүйлийн хугацаанд эдгээр үүрэгт хариуцлага хүлээхгүй.

9 Маргаан шийдвэрлэх

- 9.1 Энэхүү эрхийн бичгийн гэрээтэй холбоотой маргааныг талууд Харилцаа холбооны тухай хууль, Радио долгионы тухай хууль болон бусад холбогдох Монгол Улсын хууль, тогтоомж, шийдвэрүүдийн хүрээнд шийдвэрлэхийг эрмэлзэнэ.
- 9.2 Талууд маргааныг шийдвэрлэж чадахгүй бол маргааныг шүүхэд шилжүүлнэ. Шүүхийн шийдвэр эцсийн байх ба талууд түүнийг биелүүлэх үүрэгтэй.

10 Хариуцлага

- 10.1 Эрхийн бичиг эзэмшигч нь Харилцаа холбооны тухай хууль, Радио долгионы тухай хууль бусад холбогдох хууль, тогтоомж, энэхүү гэрээ, эрхийн бичгийн нөхцөл шаардлагыг зөрчсөн бол тухайн хуулийн дагуу холбогдох захиргааны хариуцлага хүлээлгэх, эрхийн бичгийг түдгэлзүүлэх, хүчингүй болгох зэрэг арга хэмжээг авна.

ГЭРЭЭ БАЙГУУЛСАН:

ХАРИЛЦАА ХОЛБООНЫ
ЗОХИЦУУЛАХ ХОРООГ ТӨЛӨӨЛЖ:

ХАРИЛЦАА ХОЛБООНЫ
ЗОХИЦУУЛАХ ХОРООНЫ ДАРГА

.....С.АДЪЯАСҮРЭН

ИРГЭНИЙ НИСЭХИЙН ЕРӨНХИЙ
ГАЗРЫГ ТӨЛӨӨЛЖ:

ИРГЭНИЙ НИСЭХИЙН ЕРӨНХИЙ
ГАЗРЫН АГААРЫН НАВИГАЦИЙН
БОДЛОГО, ЗОХИЦУУЛАЛТЫН
ХЭЛТСИЙН ДАРГА

.....Ё.ЭРДЭНЭБАТ

ИРГЭНИЙ НИСЭХИЙН ЕРӨНХИЙ
ГАЗРЫН САНХҮҮ, ЭДИЙН ЗАСГИЙН
ХЭЛТСИЙН ДАРГА

.......... Ч.НЯМСҮРЭН

ТЕХНИК ХАНГАЛТ, НАВИГАЦИЙН
ҮЙЛЧИЛГЭЭНИЙ АЛБАНЫ ДАРГА

.......... Д.БАЯРТОГТОХ

Эрхийн бичгийн гэрээний хавсралт 1

- Харилцаа Холбооны Зохицуулах хороо болон ИНЕГ хооронд байгуулагдсан 2017 оны 20570004 тоот эрхийн бичгийн гэрээний хавсралт болно.
- Радио давтамж ашиглах эрхийн бичгийн төлбөрийг Монгол Улсын дэд бүтцийн сайдын 2003 оны 216 дугаар тушаалд заасны дагуу доорх томъёоллоор тооцно. Үүнд:

$$T_{\text{төлбөр}} = (Z + P + Y)$$

Z – Радио Зурвас ашиглалтын төлбөр
 P – Радио нэвтрүүлэгчийн хүчин чадал/хамрах хүрээний төлбөр
 Y – Төрөл ангиллын төлбөр
- Энэхүү хавсралтаар дурдсан төлбөр нь 2017 оны 9-р сарын 1-ны өдрөөс 2018 оны 9-р сарын 1-ны өдөр хүртэлх хугацааг хамарна.

- Радио давтамж ашиглалтын төлбөрийн тооцоолол:

Z = Радио зурвас ашиглалтын төлбөр:

Зурвасын өргөн	Оногдох төлбөр	Тоо ширхэг	Зурвасын төлбөр
25 кГц	45 000₮	7	315 000₮

P = Радио нэвтрүүлэгчийн хүчин чадал/хамрах хүрээний төлбөр

Чадал	Оногдох төлбөр	Тоо ширхэг	Чадалын төлбөр
6 Вт	30 000₮	1	30 000₮
25 Вт	40 000	1	40 000
100 Вт	70 000	2	140 000
1000 Вт	200 000	1	200 000

Y = Төрөл ангиллын төлбөр

Төрөл ангилал [Аналог станц]	Оногдох төлбөр	Тоо ширхэг	Төрөл ангиллын төлбөр
Станц тутамд	50 000₮	5 ш	250 000₮

$T_{\text{төлбөр}} = \text{Радио давтамж ашиглалтын төлбөр:}$

$$T_{\text{төлбөр}} = (Z + P + Y) = 315\,000 + 410\,000 + 250\,000 = 975\,000₮$$

Баталгаажуулалт Албан тушаал Овог нэр гарын үсэг Огноо

Төлбөрийг тооцоолсон

РДЗХГ-ын

мэргэжилтэн..... /О. Цэнд-Аюуш/

Төлбөр тооцоотой

танилцаж хүлээн

зөвшөөрсөн:

СЭЗХ-ийн дарга /Ч. Нямсүрэн/

